

由
拳
集

由拳集卷之十五目錄

書

寄田叔

寄海上故人

又寄余君房

又寄楊伯翼

寄張長公

寄李之文

寄開之四首

與沈君典

寄少宗伯王公

報徐長孺二首

與王伯穀

奉徐少師

與高升伯

答沈嘉則先生二首

谷錢淵父

與開之五首

由拳集卷之十五

東海屠隆長卿 著

書

寄田亦

田亦足下田亦書來舉詆訶先述文以為罪甚善
思深哉沉痛而有味婉曲而盡物情真長者之言
吾過矣吾過矣然此非自今日當少年時讀乃公
文多口彈射蓋知乃公鄉人不知其尊官亦不知
其子孫誰何也足下謂不當彈射官人恐其子孫

有甘心於不佞者不佞不任主臣願不佞亦何心
於取罪乃公與其子孫哉口中雖黃偶及於此此
稟為諸生彊刺忘削去業已為足下所瑕撻足下
愛我不以美疵而以藥石甚善甚善刺成寄長安
諸君爇一日矣而家僮持足下書來即翻然起趾
及於堂皇之外令二隸馳騎追還削此而後爇也
不佞賦於昔人無能為役而欲詆訶先達少不解
事如此所謂咲古人之未工忘已事之為拙斯揚
馬之所掩口也然不佞此事可謂踈狂未可謂涼

德夫妒物品而爽衡量揄前美而崇已觀是薄夫
之趨也不佞第有不當于心偶逗於口固非易置
蒼素妄為瑕瑜也品隲人文從古不廢亦非揚惡
翹過以傷厚道者也魏文陳思劉勰鍾嶸沈約張
說殷璠嘗品藻諸子近世王元美亦彈射時流罕
所忌諱昔者仲尼褒貶二百四十二年之人物假
令評隲盡為浮薄則仲尼豈非恟恟長者哉足下
又謂不當輒名乃公古之身都將相賢豪先生易
嘗不名公旦召虎當兩公之世不諱也而仲尼亦

往往名王之卿士魯仲連先生至今以為美談李
唐去古稍遠李杜兩公亦相稱名不諱也僕嘗致
書王廷尉稱李夢陽先生李攀龍先生稱同年兄
弟曰沈懋學馮夢禎沈即作碑亦曰此明賴上令
屠隆築東門隄也近見海內二三君子以古道相
砥率名往來不以為異審如來諭則揶揄娛罵當
亡已時今足下徒以為不當名尊官又吾鄉先達
後世之睚眦可虞也藉令僕名布衣賢豪縣令亭
長或遠在四海九州之外或上世將相大臣則足

下亦不復云云矣足下所謂諱温室對者僕亦安
敢自託於市井豪使氣罵座以為俠節顧氣弱而
志芳言嫚而行繁內去城府外撤町畦轉喉觸忌
可謂太拙足下罪僕深矣淺中矜率取譏風雅則
僕為宵人然不肖亦有以自度平生未嘗妬一宵
蟻之屬獨踈爾今居官亡他材能計所長獨信亡
一念一事不可與神明語爾志行可質於神明而
不諒於同袍則命也僕又何言不佞不幸有涖德
重辱吾子今不崇朝謝過矣不知此後諸可得稍

後未減手願足下亡麈後命拙集稍附近作請正
大雅

寄海上故人

不佞落魄三十年困甚乃得一官猶蒲服人下昔
者呼同聲蹋海浪倚大越山和謠自謂雄豪乃今
須眉婦人爾望貴官車輪彊膏沐而前顧何如布
衣牧豕海上哉每誦嚴陵寄侯君房兩言輒自用
屐規以罔敢穢行為知己羞亦不能以一令骯髒
矣世人皆相吾輩為令必骯髒吾固以繞指柔處

之是壺立子材之示之以波流也世人又相不佞
踈不佞非踈也直忘機爾嗟乎踈不踈復何言哉
僕於世味頗澹山林無青雲之骨珪組豈煙霞之
相僕終尋陵陽子明撫白龍背玩弄明月爾百年
之內為驩幾何而令彫耗壯心於簿書期會間日
與吏胥伍兢刀錐之能而牿性命之理斯志士之
所大痛也不佞雖為令晝夜兀兀然不敢以外膠
滑內和抱神守宅即丹砂不成猶將超然比於海
鳥悲太牢九奏固不若於左曠野喋啜苻藻也所

以未即長往者勢不可爾世人徒見僕居官欽欽
輒皦視事謂屠生努力仕宦聲名為他日地乃不
佞聊以此見志非有所覬望者也足下方逍遙丘
園海上二三兄弟時時呼趨君握手流連白日未
闌繼之秉燭獨不佞遠遊莽莽南雲可勝延結足
下與諸君為驢時亦嘗一念汝故人不新刺一種
請教大雅居賴半歲始得寄訊左右冗可知也

又寄余君房

君房先生足下嗟嗟人言君房窮愁願君房無以

窮愁鬼虎曠野昔賢所悲世固拙於用大也夫登
臺而敖臨淵而眎其意亦放絀六幕也為之登亡
極之高臨不測之深浮雲四奔日月下走則喪其
五內焉自非神揚寥廓足蹈寥荒不與斯觀矣此
可以喻吾君房先生君房以高言驚世固世之所
為喪五內者也又鬼物之所呵也放而之壙壤大
澤即山川烈風雷電交作百里而外車轍不得傳
焉蹴躡得路天矯窘步則乃其固然矣僕又願先
生稍卑之亡徒取驚世為也而令世人得稍稍逼

眠之雖然垂竿而終年不獲一獲而橫千里斯會
稽之釣也先生故曠然玄朗即獲不獲烏知大海
雲霧波濤春天挂長飏拾海月凌虛徑度三山非
遙何不樂矣僕瓌尾一官跼蹐畏人歲月幾何強
半馬上素衣化盡玄髻日短簿書不治風雅亦衰
秋氣一動候蟲早吟感彼代謝傷此搖落儻蘭若
乎可託何脩名之足云僕性駢弛少無鄉曲之譽
學書不成遊世無術令為令塊然株守勉持三尺
息簸蕩之氣而遵繩墨之塗思懷仁負義以率天

下哀憐黔首上不負主上下不媿交遊光明粹白
少見感槩然後三山五嶽惟吾投足爾奈何茫茫
遠道苦足不展也材陪下乘命則小星竹素之事
儻非吾分矣然何敢不日夜澡行脩事以忝同袍
哉幽晻之中求不負神理即同袍之諒不諱無論
至於榮枯之數吾尚何以冒諸胸中哉足下寥廓
之士默坐宋照何所不覽幸惠太教微我顓蒙沈
嘉則先生張孺轅涇長文楊伯翼沈長孺家田未
諸君俱無恙聿游府公試士舒郎得雋殊喜此君

故秀才異等一日千里此為前旌小剡新成寄足
下請教文品僕不能自知寧遜作者敬候後命大
江秋氣丰愛景光

又寄楊伯翼

伯翼孝廉先生足下五月聞令先公之喪怛焉傷
心遠道之人不能一致生芻延佇大江南雲若結
司馬物故既悲長公楊氏不夭復傷季子人亦有
言歲在龍蛇喬木載摧風雅彫喪我二三兄弟懔
懔在疚何能為懷足下才情美贍高言故綺今感

彼下泉買屋青山冥視寐照大悟玄理長風白茅
助予悲心寄蕭瑟之興闕沉鬱之致旨哉作者乎
每臨風誦足下佳句秋天颯颯下芒碭寒雲時序
搖落蟋蟀宵鳴江上涼風故人亡恙吟無過苦勉
爾加餐新刻一種寄上覽教械屬百冗畧叙不宣

寄張長公

孺穀先生足下得足下七月書具見心曲讀之惘
然不佞受司馬公知己厚德非言語文字可盡不
負泉壤恃有此心輒章有云但訝黃鳥堪同死不

信明珠可報恩即無論詩寫我沉痛情致不淺臨
風自誦寔下西州之涕矣不佞自涉賴來日夜禔
身澡行惟恐情棄成命為知己羞嗟嗟典刑未忘
德音在耳某之不肖逢時微幸勉圖滿祿以獲免
於大戾則司馬公寵靈自天也歲不在龍蛇賢人
災何耶而我二三兄弟乳乳苦塊之上僕獨何心
能不悵而每望大江雲起亭亭如車蓋不自知其
悲從中來也是下高姿遠韻直可度世今居憂得
亡過傷乎子山故蕭瑟當不廢曠懷秋氣方深無

歎搖落亦無數過流波館恐不勝華屋之感倘悲
能傷人一夕可老也近聞邸報知次公請祭英書
已奏尚未見成命殊勞嘉則先生通州志湛雄逼
古當是宇內一種奇書識掩古今義公美刺彼悠
悠者流奚傷大雅僕少不解事作閔貞賦誤及其
公田叔書來督過甚急僕已應時削去假不自度
妄有所彈射僕則過矣田叔罪僕良是而暇諳太
溪然不廢忠告之義僕敢不敬承孺覺留燕孺愿
家居无恙吏事正冗不能一一裁書遠望江天可

勝追結

寄李之文

尊君生辰白雲在天海月甚嚴諸子賓客奉觴為
驩獨遠人漂泊淮泗是夕把酒東望為汝大人長
謠白雲之謠回風而寄異聲也珠履數中少此人
手足下念之矣向章先生時七過從不僕往來四
方交遊多矣故自不乏資豪人要如沈先生才致
風流高霞孤暎朗照人群甚不易違不可以當世
而失此人百遍相過死亦數也故人如吳愚谷金

塘生吾家八郎尚時時把酒言咲如故乎穎上令
廉無橐金以助貧交吳愚谷書來因甚吳生一寒
如此哉乃穎上令寒猶吳生也自到官來不敢私
民間尺布一錢所得歲俸米量足為老母備晨炊
而往來交遊饋遺猶然取給焉家中有一金買薪
水無市笋魚跪而進諸家大人揚揚稱富矣雖一
金時時有缺乏則與細君相顧而咲為驢樂為吏
貧如此哉僕本海上布衣遭時致身為一官歲得
常俸奉老母及妻孥於某足矣尚敢有過望妄想

以敗官箴以為同袍諸故人羞哉且自揣知骨相
不得富貴為吏信貧視之奔走糊口四方時則差
勝矣是僕之所為知分也為我謝故人無咲屠生
拙哉僕寧貧不富寧拙不巧僕亦欲稍從時人雅
尚無奈天地百神常悅在耳目即欲稍從時為雅
尚輒不敢以天之道是下之寵靈幸稍得民和無
大得罪此邦父老子弟則其効可覩也是下以為
何如幸不惜遠教聞之芳已棄去學士業操舟從
范蠡計然五湖間耻作老博士頭戴平頂巾倚杖

婁娑即唐賈遊可哉第无多上胡姬酒樓不独黃
金易尽白日亦易闌也之華上舍已入京不入京
可過我潁上官况如此且无言索債也來當治千
日酒醉之尔林生為我書明月諸篇遠寄深感雅
情幸一謝之吏事正冗裁書不次

與馮開之四首

疇昔長安諸公嘗以弟調官為憂乃觀察朱公亦
累言之愿不肖無有此也而七月間孫太史以德
過潁與朱公言之潁父老子弟不愿調屠隆者恒

以為憂朱公愕然公何言調也孫太史又言第恐
撫按諸公有此意爾惟先生圖之朱公答云撫按
都無此意第遂私計可以兌此矣乃不謂竟有此
舉也若不肖烏知令哉勉強裨身潔行庶幾冥過
爾若之吳會固大邦雜糅欲以賴上之治治之不
可得罪過當弥深爾賴之父老子弟以隆雖無他
行能此中頗實又以為能從事節省以稍息肩貧
民憐而昵之一邑之人真如家人父子也今驟有
此遷誠難為情聞報後徒有目夕對此間父老相

視掩泣爾而遣部使者先生按壽父老子弟奔走
遮留於按院者百千人第恐此無益於弟之去留
適足為累禁之不能止也倘按院公肯憐而留之
回天不難今諸為地方事體俱未睹成效中道而
棄之今夫滄人相逢於逆旅追隨累日去之亦難
為情況號稱父母子弟者哉秋天搖落寒風蕭蕭
人情物候兩足悲心去太淮泗原野為空吳會信
美非吾土矣足下謂我奈何會有小吏入京密布
腹心不能一一弟之曲折幸且無為諸公深言之

也箕仲伯符諸兄幸為寄聲

冬十一月屠隆頓首致書開之仁兄足下潁陽父
老子弟千人白御史臺廡留業已可之矣既而以
成命為解首鼠兩端即青浦之行決矣之青浦去
神京更遠音書不易達然山川當不得間吾兩人
驩也居潁上不入覲而居青浦即得入覲握手有
期以是為快爾弟居此間一歲監司諸公皆憐不
佞勤苦私其獎借太過第未知京師諸公評騭若
何弟雅有不能名又多雕虫一技重為身累又為

邑諸生刻小集此恐足招尤尋亦悔之仕宦聲名
無論每憶稻村夜李北海三數公可為寒心便欲
奉老母歸耕海上田即不苦無田我仁兄何以
謂我足下處清華不知弟下流難居多愁真令人
老也弟素以不能名今遜謙首調不佞青浦真號
為難治矣斯其故弟不能知豈去歲難賴上今年
遂不難青浦哉仄仄思之足下倘有所聞幸以見
告冗務蝟興百不宣一

仲冬既望屠隆頓首白開之足下解馬價人入京

已附致八行屬天寒薄冗草率不盡所欲言西屬
劉先生觀察明州於弟有知己大恩客歲曾與足
下偁言之且屬足下為第一往候劉先生致謝亦
屬沈君典今劉先生謁選入京旅食幾半歲矣居
承恩寺甚寂寂不得意乞足下要沈箕仲陳伯符
沈少卿或館中年丈一二厚善者為一過存劉先
生具道不佞鄙中令劉先生知屠生居長安能得
諸賢豪大人之心又以見劉先生門下士能不忘
疇昔諸公能以不佞故而重劉先生一為知己生

色甚善甚善惟先生留意沈箕仲陳伯符沈少卿
陸敬承沈琳仁諸公當脩一言白狀會積雪華凍
童子炙火而作書不能多具事即以此出示之部
檄已到府監司更定視篆官未到乃得行入吳
會當取道就李一過先生之廬青浦去京師雖稍
遠鴻鯉往來亦便弟在下吏無他營為獨時時繫
心諸故人知己往來夢寐不絕也何故哉勾吳孫
太史合肥魯年丈遇弟最厚矣宣城君不通信使
者兩月念之不置渡江即遣人問訊宣城君方屏

居青山中不出歲星大隱者哉渡江苦無路費無
能寄將奈何裁襪二量奉去幸勿罪菲薄

屠隆頓首開之大兄足下渡江來遂不得通一問
訛懷我開之日夜不置嗟天乎苦我一賴上不啻
足矣奈何青浦也四方無賴羣其中為一小村落
華上二縣復割焦區瘠土稍附益之置縣城中廬
舍寥落大都華上兩縣貴官大家別業僦流民索
繒錢者民貧甚矣而令出賦稅至十數萬民貧故
俗日趨於茲利苦賦歛急故俗又益日趨於茲利

又賦歛多為貴官大家所逋催租吏持縣官刺叩
士大夫士大夫輒叱去不視吏脅息不敢出聲甚
而為門者所呵不得一見貴人之面編民慄詎者
挾官錢從博人酒家飲而募無賴受縣官鞭箠痛
楚貧者體無完軀易麻桌絲粟不得錢有鬻妻帑
鬻妻帑不得則鬻烏有先生爾僕無狀欲以賴上
之治治青浦勢不可將釋拊循而議操切又苦天
性雅不能也二十萬官錢令荒落瘠土出辦誰能
堪此者非刀錐朘削不得有即刀錐朘削膏血幾

何矣今強其天性而用籌楚良苦不能稍寬而息
肩元元十數萬官錢必不辦監司者將持三尺而
問罪青浦令寧復為令乎嗟天乎苦我一賴上不
啻足矣奈何復青浦為也他縣官即百冗官日會
須有一刻之閒此中十二辰嘗苦不足也僕何得
罪神理而降罰如此深哉已矣文墨事請足下勿
復與僕言也偶有入烹之便據案草草百不宣一
足下念我無廢八行

與沈君典

聲問不及數月矣念足下不去口客歲冬十二月
奉青浦之命扶持老母渡江南兩歲之間奔走南
北無虛日薄命之人犬馬固當青浦故一村落尔
民無土著群四方無賴居其間又土瘠而善墾官
錢當事者以其善墾大縣徵令之所不及也而置
縣又割華上瘠土稍附益之歲額增至十數萬今
視城中數百家皆華上貴官大家別業流民僦居
諸氏族莫可定詰吏胥俱有罪亡人與居民表裡
為姦如含沙之虫強者乘巨艦出沒吳淞間為推

埋自置縣至今不佞其令凡三易尔前令無他狼
藉率以群下竊弄敗自前令敗民益蔑視令長弁
髦之矣最號難治渡江千里來未抵縣言青浦唯
治者滿耳矣督府公移書主爵者持為青浦擇令
長而謬推不佞其號上是何异庖人之不治庖而
代以尸祝也某自冬十二月抵官百務猬毛虺強
振刷尤苦催科民無賴者挾官錢從博徒倡家飲
而募人受捶楚貧者賣麻枲絲粟不得即思鬻妻
鬻田廬不可有挈家逃尔先是催徵者頗虐用鞭

善民愈恐過去其以官寬之諭以溫言風以至情
父老子弟驩然樂輸也諸所覆茹燠休一如居顏
上時獨約束狷胥姦氓隸奉三尺維謹此與顏上
稍異矣又苦三吳孔道冠蓋旁午奔走將迎日不
暇給某又以文辭竊海內虛聲吳會文人才士不
不延頸願交墜棄民事而與諸公日聚肯空文游
談招尤誨姪則吾不敢令門者一切謝不見即為
吏鄙士應且懼俯仰周旋難不唯乎子惠間間清
刷公府响哺孤芳播擗豪猾不入苞苴於庭而開

門延士不諂事貴人而折節布衣賢者不以翫
取罪不以依阿乞憐不昭昭而挾日月不泐泐而
負泥滄斯中庸之操賢智者所託也其願學未能
足下何以教之某每思浮辭侈說玄素所絀將書
火竹素不復與雕蟲角技獨守純白玩心玄虛豈
不亦曠士幽賞哉奈遇詞人無當技瘠今居煩劇
種上勞人一日十二辰嘗苦不足即文字之緣可
知矣僕學植既荒官復濫落相如次公之業而失
之矣奈何能為知己生色也足下薄金馬之榮而

眷丘中之樂義重南山名高北斗海內才杰咸願
執鞭甚盛吳會山川佳勝人物娟秀足下恐不可
不一遊九峰三泖望子久矣冗中敬遣一介行李
奉訊大夫人百福倘惠然過我則有山中竹杖湖
上蘭舟翹首天雲因風神往

寄少宗伯王公

隆之於風雅之道醯鷄腐無當鉅儒鴻烈也往歲
居都門自度非玉璫黃流不登清廟廼退而安其
拙韜子雲之筆衆君卿之舌滅刺五侯却步平津

文慙繁露不遇何辭義薄凌雲自薦為崇庶幾哉
尚玄守雌矣僦得長安旅舍中有茂對一章杜門
偃息其下讀古人書六籍而下間流覽諸子尚羊
乎偶騎馬出歸渡尚羊如故也以故雖鉅儒鴻烈
如先生者亦未嘗抱尺一之牘求通姓名於記室
乃先生顧雅知不肖隆游揚之諸公間而又以隆
方辱在牛馬走中咄咄憐之也宣城吳興兩沈生
往為隆言之隆雖不敢輒報謝然心銜高義矣獻
歲行役太倉得奉車輪清塵如披五色雲裁裁霞

矣慰我素心廼先生入門勞苦如平生始知兩沈
生言良不虛顧影自照隆無一足當鞭箠使者謬
中者愛便可藉以自老隆西經罷邑挾掌勞人青
浦今為吳會孔道縣治視二大邑十不當一而供
億徵令等之又土瘠賦重狡偽芻興百事如蠅又
日承事諸薦紳大人救過不暇奈何令為一日十
二辰常苦不足也行年三十蚤見二毛命也良苦
犬馬固當隆為令無他治行維不敢行恣睢以傷
寬理析秋毫以敗三尺而重為知己者羞諸顛謬

種種韋願長者教之隆讀書竊觀古壞人碩士崇
敦大者之踔厲之操標伉爽者關長厚之德奮氣
節則易於矜露務沉毅則傷於刻深器局近於高
朗則闊步而多踈行能依乎中庸則瑣尾而不振
此根之至性真不可強率而行之皆有以豎天寸
流竹素廼先生博大勁爽秉節蹈道華實無收仁
明並薦此其大都豈徒崿嶽厯落淺中小知之夫
可窺先生萬一哉隆不肖平生汨沒小儒文絜而
闇於大道然於古人安身立命之處亦嘗稍見一

班矣今為小吏雖促邀不足比數間方且摧耿介
之氣遵寬和之理思懷仁負義以悅天下耻空抱
筆墨區區與雕虫角技而涉世未深才智短淺如
驅車隴坂擢舟滌潁將焉濟矣至於踵文士習氣
逍遙以邀而蔑視民事偃蹇自放而厭簿簿書清
談名理而惰棄官守以為天下口實則吾豈敢哉
先生文章鉅麗人物冠冕此真不肖隆所願奉輒
簪使者况既受知門下不敢不布其款款之愚且
以致平居向往幸惟財譽小刻多諸生時所撰結

請正大雅

與徐孟孺二首

孟孺徐孝廉先生足下往讀吳鉤叢劄知足下諸
子白眉翩翩麗藻故自非老博士家無何居長安
於馮生所得徐生澤夫書云足下善病則以為造
化小兒妒足下才俊爾自後廼時時向往足下吳
會從二陸後代多文人才士足下今鵲起菰蘆中
他日領旗鼓挾橐鞬凌厲中原非足下而誰僕於
此道無能為役願獨私心好之又雅好游揚諸公

往歲嘉平月移官吳會儻誠仄仄難之而喜得從
吳中文人才士遊甫弭節於郊輒問徐先生無恙
乃不佞時時虛左賢豪而獨不得一當徐生聳足
下方為白下遊忽披大章如睹卿雲爛焉五色驚
喜可知穰穰踰所聞矣乃知楓落吳江此何足以
稱揚哉得王先生書知足下從姑蘓結穰王生而
歸此君無論詩若文即懸河談天能令稷下生息
影而逃疑乃公舌端有五色雲除夕嘗與周旋真
使人意銷馮生素心人當不作公孫子忘故人態

主集 卷之六
久不通尺一足下當是嬾故爾書來會入府信府
公冗甚率爾搢書百不宣一倘過臨邛令平當一
日三朝相如也

日者青雀舫過浦口屬不佞患頭瘡不勝進賢冠
不能倒屣出迎高賢詰朝今人物色二君將科頭
相見與足下唱陽關三疊倚茂對婁婆婆言別則報
解維去矣為之悵惘索日三月中旬送莫廷韓浦
口把酒唱詞僕有水綠花紅送遠人之句逡巡情
致不減文通恨足下不此時行也聞何士抑清標

遠韻與足下頡頏青雲真僕所願從遊不得一傾
握為恨孫以德太史王瓚黃沅雖少年自致雲霄
絕不作貴人態每見之使人生塵外之想詞賦大
楚楚如其人足下言良不謬足下詩辭秀麗筆札
道拔可無古人至博士家言石室洞天青霞紫氣
當是不從人間來非關尹喜輩不能識矣世人好
堆黃亡當信而自堅是在足下如謂九州入貢任
土而可不必篠蕩瑤琨則是謂寶筏玄津反不足
度世世亦寧有僊真墮叔乎愿足下益鍊丹砂九

轉不已白日且生羽翰不然費長房可虞也君典
數日前以書相聞云首夏且微服見枉第青山眷
人恐未易出門爾便時脩問當通足下姓名於君
典足下如豐城獄中物雖厚自韜歛寶氣猶時時
燭天何必藉僕輩游揚然人倫賞鑒自是吾事嘉
則詩選未有寄到到則即尋雙鯉致之矣白門柳
色無恙乎青驄卷陌誰與廻翔六朝佳麗僕未得
一至自笑傖父送廷韓一絕書扇頭即借送足下
情致一爾人南附報冗不及多具

與王百穀

携江陰牡丹歸此何異相如後臨邛竊文君迹哉
相如區區以一文君遂病消渴今為文君者數十
奈何不令王先生顛顛乎固知是下方迷花花間
玉缸便可自老棄青浦令如遺迹矣然僕從鞅掌
中思足下良甚參差日莫夫君不來昨拜書宜足
下有意於僕復讀第二檄竟使人心如寒灰足下
自為河魴即諸君子皆陽橋邪乃臨邛令終欲引
相如為重惟執事圖之讀送莫廷韓詩格高聲俊

綺麗難忘古今才情之極咄咄莫生携之橐中五色光怪上燭五星矣吳章叔來知先生有北征之意僕喜動顏色碧鷄金馬遭遇好文之主然後協諸金石先垂竹素丈夫鉅麗何必箕山日侍先生人倫賞識談咏煙霞宜抗山林之節然或扼腕當世便媿媿不休固知子陵非录录隐者懷仁負義以幸天下僕竊為蒼生歧之毋謂處則遠志出則小草也承惠玉卮此非僕所敢當取酒南嚮酹地拜嘉貺矣重耳無以報莊王奈何蒼頭回敬附空

械不日且遣一力訊下執事不盡拳拳

奉徐少師

隆竊讀傳記覽觀古昔鉅儒大人建立鴻業翊贊
其隆光昭史策此其人必高朗粹白渾博深沉智
慮包乎四海而持之以謙冲遇事疾於風雷而出
之以慎重其所展布大都非小材淺智所能窺自
變龍宰衡而下老成器局莫如韓魏公識者以為
間氣其他疏爽俊快之杰古今不少而事業成就
不無瑕疵利害相半得失相參後世往往有遺議

馬士大夫屈指我朝賢相必以先生稱首隆自歸
亂授書輒知嚮慕華亭相公盛德大業泪叨下吏
雲間獲一再望見顏色私計名臣元老涉世且久
更事既多天下之務何者不了了胸中況雲間又
先生桑梓之地聞見既真計慮尤審而隆小子幸
得以通家之好受知門下所願虚心請教之日久
矣青浦土瘠賦重流移相望當道為地方慎選有
司誤及不肖不肖違茲艱虞夙夜祇思隆竊聞醫
家治病急則治其標今青浦之病亟矣施為要領

將從何先隆聞先是衙役竊美政出多門而故令
又徃徃寄耳目於匪人以致敗事隆今嚴戒各役
奉三尺惟謹門以內從嚴門以外從寬諸聽斷惟
情惟理絕不敢咨訪近習以滋他弊似矣然左右
禁嚴耳目盡廢形影塊然門外萬里卽地方利弊
間閭隱痛皆莫能知欲密訪於左右恐未得是非
之實而適足以啓奸萌試顯問於衆人則或避忌
怨之嫌而莫肯以實對此其難者一也先是催科
太嚴撫楚過濫總經催人等至捫腹而完官畏創

而催辦民甚稱苦逃亡接踵今不肖隆以官寬之
下頗感激勉完納似矣然 朝廷歲額必不可
緩徒以官受累無補於民夫與其始寬而隨誤以
貽後日焚眉之急不如先嚴而責完以與百姓息
肩之期且錢糧不完或係貧民拖欠或係奸豪負
賴或係經收侵欺一槩從寬寬貧民猶不失拊循
縱侵負則幾幾 國法此其難者二也本縣因田
地瘠薄歲苦重差以致人戶逃絕者衆因人戶逃
絕以致田地愈荒者多先是乃募開墾之令非不

日懸但綠鄉野小民領種告帖者到縣不即時給
糞者守候之苦有科索之費而官府未聞留意存
恤則恐領種荒田未見其利而先受其害是以小
民疑畏不來今不肖訪知弊端另為立法小民始
樂於開墾一月之內領帖者已不下三百餘家但
貧民開墾荒田必資工本有田而無工本將焉用
之即給帖猶勿給矣將議賑卹則官帑既不可擅
動申請又未必見從此其難者三也今為計不得
已捐不肖俸資及無碍官銀共得百兩立法給散

貧民為開墾工本而俸錢無多小惠未徧則出示
勸諭富民大家於民間自相賑助以富濟貧損有
餘補不足尚義量力不拘多寡而本縣則為之懸
立賞格或免其罪責或免其雜差重則或獎以牌
扁或榮以衣冠以相風勸似矣然自古恤民之政
未聞有此計出不得已恐終非政體其可行與否
伏願門下教之荒田人戶既已逃絕而重額尚存
往往遺累里排賠納萬萬不堪不肖業已遵奉撫
院明文親歷四鄉沿丘履畝踏勘荒田頗為得實

中間委多拋荒一望野草井開墾滅人烟消跡誠
可哀憫若不設法調停地方日就彫落將來愈不
可支已經冊造總數申請議處議者謂求減額糧
又謂求作改折愚意竊謂議改折則恐小利無補
於民議減額則恐定額難以頓減此一節煩望門
下將青浦癘瘵苦情為撫臺一言之即片言九鼎
為地方造福不小矣其他大小事宜多所未盡隆
不肖稍知自愛不敢為惡然天下事亦大難矣不
惟惡不敢為即為善恐涉於近名不惟官民不敢

為即興利恐未見有害義理難窮事體難安群疑
難釋衆口難調竊不自量蚤夜思維欲為救邑小
補而以一書生初出涉世更事不多識見未定率
刺種種祇深芒負仰惟相公朝廷柱石鄉邦元
老治道模楷後學指南伏冀惠賜大教隆在下風
敬端拱以聽不任瞻仰惶悚之至

寄高升伯

升伯居賢關操文衡懷仁負義攬華披秀佐戎髦
士宣暢鴻烈暇日與諸公清言名理篝燈丙夜迴

翔赤螭歌咏振鷺嗟乎升伯良不負平生賤之奉
馬簪之役日承事貴人如小家女克貴介下陳盥
掃易盡蛾眉難工獨日夜欽欽勤苦則習焉詈則
承俯仰周旋徒跣自潔種種甘之小星稱命矣天
下郡縣莫難於雲間雲間莫難於青浦青浦者故
華上東南瘠土惡壤也民無土著七邑適延居之
成一村落歲坐水旱不登國額日逋兩大縣患苦
之為別置邑治又新創百務草昧當三吳孔道車
蓋旁午兩大縣薦紳大夫田宅在焉部民大都其

佃人僦戶爾以一新置小邑而當兩大縣大夫士
戶外之屨常滿也且多不諒望賤子或太深故言
廢難理群逋難問多口難調為吏顧不良苦哉勤
苦將事加之以忠誠庶幾免於大戾僕竊慕此未
能先生何以教不佞壯征有便羽敬附荑緘莫廷
韓之人才可念也

答沈嘉則先生二首

青浦望鹽官盈上一水爾廼坐困簿領不能處擲
頭上進賢冠從先生杖屨山間水涯筆牀茶竈何

物不空悲哉一吏如樵獮富貴既非所須持此
安歸也八月之期不已晚乎隆不肖不能任疆幹
吏而能以寬理和其士民門遮真如水日日蕭然
新種卉木今已蔚鬱成林日夜望先生來一獻咏
其間天馬余丘二陸先生祠墓在焉泖上浮屠四
面孤懸空水中有陸宗伯新菴藏經閣藏經數萬
卷佛子數十俱白晢長承日夕坐素誦經聲即即
徹於大湖亦一佳勝也願先生即櫂扁舟來敢為
山靈歌邀寵光錢繪事先生集可携之篋笥中且

行且佐不然竢再返就李卒業未晚也馮吉士開
之予告計此時已抵家矣其人開美玄超不可不
一通問碑文真文章鉅家深嚴閎嚴第不肖德薄
無當游揚爾當取便寄賴人賴人雅不間於翰墨
事恐不足辱大雅奈何

讀越草如失足崑崙絕頂下見丹霞赤水文虎玄
豹雕甍紫磨冰堊碧藕目眴神搖誠不自知安所
去取也先生近作廼爾上豈惟才情轉富前無古
人亦占知先生喬松遐壽焉玉棺不下來奈何會

須且逋娑人間爾

嘉則越妙詩有云不如醉卧空山中王稚下未便堪死故未及之

答錢淵父

不佞從就李諸名流及聞高雅舊矣屬人來言沈
先生客足下足下非雅秀孤映安能客我沈先生
哉沈先生盛言足下俊才恨未得一叩空頭郊居
兼得崑穴奇處士為侶太史當重占真人東行矣
因風遥羨臨邛令久遲相如而足下占恹不發使
人兩睫不得下如何如何敬遣榜人操小刀迓沈
先生浦口足下能與沈先生同過江城燕鮮取酒

大醉九峯之上亦無所不可不然無後久奪我五
湖長為也新相知間輒放言及此罪過人回草草
白狀冗不及多具

與開之四首

適過婁江謁徐規啓因言與仁兄遇於淮上計此
時行李拵家矣弟日困簿領不能負弩矢走逐旌
干心神飛動足下暨辭鵲鷺之班歸而任五湖長
楊颿鼓柁雲沙亂目鷗鳬近人大是樂事下官向
不自戒夫足泥塗為家大人日竊五斗海鳥受羈

磨磨驢乘安得通脫自快也足下東弟亦先期移
此中雲間去就李只尺爾即視仁兄眉睫間而尚
阻晤言脉上一水自非土木詐不勞蒐雲間足下
舊遊諸名士故在傾握日夜望足下一來不啻望
歲也徐長孺袁非之南征莫雲卿徐澤夫北上行
時以不及候行李為恨足下誠惠過此中典弟訪
二陸先生之故蹟九峯三泖敬徵寵光泖上僧菴
歲經閣孤懸大湖四面室水衆比丘俱白晢長爪
焚香誦經其中亦佳脉可遊也足下歸省尊公驩

樂可知幸道隆問訊嫂及諸公子平善不雲間之
行不可復遲幸足下報可弟當理櫂湖漕待矣
六月廿四日屠隆頓首寓書開之仁兄往沈翁見
枉又得仁兄書甚慰飢渴敝邑荒鄙勞長者車轍
款遇疎簡何能无辜仁兄初歸正在執掌想未能
即遠出賤子之望故人真以目為歲恨羈於令无
能奮飛誰謂河廣曾不容乃深味風人此言歷歷
如畫良足悲心始謂行李一出都門便堪握手遂
越半歲尚阻晤言是何睽離之易而遇合之難也

三吳大水溝塍化為巨浸魚鱉舞於長衢徒跣自
責傷為令無狀計且奈何側想明智當作何良圖
也尊公華誕以七月何日上壽既嚴熊遂買雲間
之櫂不儻沈夫人當戶亭衣恐仁兄亦復多情不
妨長嘯出門把臂湖山吟弄煙月使太史再奏東
南聚星良亦不俗沈嘉則先生布衣雄杰人倫冠
冕今正作客鹽官之錢氏為故給事錢徵先生輯
遺文弟愚以書役之則以校讐未卒業為解鹽官
去秀州只尺足下不可以當世而失此人今山人

處士滿宇內大都崇虛聲遊談無當獨乃公翩翩
不惟辭賦偉麗陵轍古今墨卿而行義卓絕朗然
孤暎即丰標談咏俊爽玉立理致清遠與之周旋
可以忘老恨近日頭顱且種種吾欲取南山銅鑄
此君此君或亦自有長生丹訣不可知今世若無
之夫便能便山川黯靄無光風日淒淡一朝失去
千古長嗟足下急走信使徃通之勿失廼此君亦
傾向高賢之日久矣馮先生素以屠長卿言不阿
如此神物暗中可索摸得也是下幸過青浦可約

與俱來弟且復祈來招之青浦令門遮真如水不
妨擁篲而送上客也賀伯闇近作何狀想數過從
論心道故久慕素了凡者相見幸為寄聲前有長
牋致伯闇久未奉報音何故河漢左界雙星在門
瑤姬奏笙龍女進曲蒲朶新綠銀缸乍紅階下斑
衣堂上珠履人間差樂何羨洞天又得玉皇香案
吏新篇聊足為壽矣不腆之儀并希麾置鴛央湖
上時時繫心向辱沈翁託以壽章令弟既自為叙
不能復握筆乞為我譏之

湖上之會樂矣弟以吏事促歸質明不得與足下
再盡繾綣私心殊未快後會何時言之悵惋嘉則
先生尚留坐中日以賦詩讀書為事神肆力王出
語驚人使人悚然心服暑中無事戲為二十咏多
言古爾情綺語弟無嘉則同賦成讀之頗懷拍拍
然命記室錄上請教更要足下賦之已寄王元美
先生屬和矣歸途定佳豚生朝上壽年伯尊人癸
氣颼颼涼風乍遣恨弟不得與珠履之列能不依
依沈君典未有來意奈何渠云云真未可出門吾

輩不當強之遊小力還附有尺素敬上侍者泛泐
作共為二冊其首嘉則者奉足下首弟作者求足
下書佳篇付嘉則先生其一空白者求足下首佳
篇付弟過下邑雜詩當另書一冊同二十咏并奉
去也

西湖之遊樂乎弟從部使者考歸而梁伯龍適見
況云日客就李與足下周旋伯龍故翩翩豪士今
老矣誠然哉烈士暮年忙心不已弟本探丸走馬
之夫誤為小吏局促如轅下駒日心懸天目長松

夢落五湖間足下何乃掉臂去我不通消息兩月
即百冗尚留足下凶中久欲遣平頭奴致數行輒
復冗奪足下每賜一札必俟弟先之而不然者經
歲無此可以觀吾兩人之交情矣然不肖視足下
猶為勞薪子

由拳集卷之十五終